



Bosna i Hercegovina
Federacija Bosne i Hercegovine
Kantonavno tužiteljstvo
Tuzlanskog kantona

Broj: A-I-217/25
Tuzla, 27.11.2025. godine

Bosna i Hercegovina
Federacija Bosne i Hercegovine
**PARLAMENT FEDERACIJE
SARAJEVO**

Primijeno: 28-11-2025			
Org. jed.	Broj	Priloga	Vrijednost
05/1	-02-	627	/25

**Federacija Bosne i Hercegovine
Parlament Federacije BiH
Zastupnički/Predstavnički dom
N/r Dragan Mioković, predsjedavajući
Adresa Hamdije Kreševljakovića br. 3, Sarajevo
Veza: Vaš dopis broj 05/1-02-627/25**

PREDMET: Zastupnička pitanja Begajete Čaušević, zastupnice u Predstavničkom domu Parlamenta Federacije BiH

Vašim dopisom broj **05/1-02-627/25**, Begajeta Čaušević, zastupnica u Predstavničkom domu Parlamenta Federacije BiH je, prema više institucija i organa, uključujući i Kantonalno tužilaštvo Tuzlanskog kantona, postavila zastupnička pitanja koja se odnose na postupanje Adnana Delića, ministra u Ministarstvu za rad i socijalnu politiku FBiH, a koja se vezuju za davanje većeg broja saglasnosti na otkaze ugovora o radu sindikalnim povjerenicima, radi se o članovima reprezentativnog Sindikata zaposlenika RMU Banovići, a sve u periodu od imenovanja Rasima Dostovića (PDA) na mjesto direktora RMU d.d. Banovići. Između ostalog, pitanja se odnose na to: Da li je ministar Delić svojim postupcima doveo do teže povrede prava sindikalnih povjerenika iz radnog odnosa? Da li je navedenim postupkom prekršen član 103. Zakona o radu, kao i član 11. Kolektivnog ugovora o pravima i obavezama poslodavaca i radnika u oblasti rudarstva u FBiH? Radi li se o zloupotrebi položaja i ovlaštenja, odnosno nesavjesnom postupanju u vršenju dužnosti? Postoje li elementi počinjenja krivičnog djela trgovine uticajem u smislu da ovlašteno lice zapravo samo formalno „vrši“ provjere činjenica potrebnih za donošenje određenog akta, a zapravo je radnja usmjerena isključivo na donošenje „naručene“ odluke o saglasnosti za otkaz ugovora o radu?

Uvidom u bazu podataka za rad na predmetima u pravosuđu (TCMS) utvrđeno je da Kantonalno tužilaštvo Tuzlanskog kantona u radu nema krivičnu prijavu i predmet koji se odnosi na navedene radnje Adnana Delića, ministra u Ministarstvu za rad i socijalnu politiku FBiH. Obzirom na funkciju koju obnaša ministar Delić u Vladi Federacije BiH, kao i na radnje koje se navode u zastupničkim pitanjima, Kantonalno tužilaštvo Tuzlanskog kantona, i u slučaju da je krivična prijava podnesena ovom Tužilaštvu, ne bi imalo ni stvarnu ni mjesnu nadležnost za postupanje po ovakvoj krivičnoj prijavi, te bi takva prijava bila dostavljena na dalje postupanje ili Tužilaštvu Kantona Sarajevo ili Posebnom odjelu Federalnog tužilaštva FBiH (POSKOK).

Odjel za odnose s javnošću
Admir Arnautović, stručni savjetnik za odnose s javnošću

Admir Arnautović

